

Bosna i Hercegovina

BRČKO DISTRIKT

Bosne i Hercegovine

VLADA BRČKO DISTRIKTA

Odjeljenje - Odjel za obrazovanje



Босна и Херцеговина

БРЧКО ДИСТРИКТ

Босне и Херцеговине

ВЛАДА БРЧКО ДИСТРИКТА

Одјељење - Одјел за образовање

Bulevar Mira 1, 78100 Brčko Distrikt BiH
Telefon: 049 214 503, Faks: 049 214 503

www.bdccentral.net
obrazovanje@bdccentral.net

Булвар Мира 1, 78100 Брчко Дистрикт БиХ
Телефон: 049 214 503, Факс: 049 214 503

Broj predmeta: UP-37-000001/12

Broj akta: 0285RG-001/12

Datum: 05.01.2012. godine

Mjesto: Brčko

Na osnovu člana 22. Zakona o Vladi Brčko distrikta BiH («Službeni glasnik Brčko distrikta BiH» broj: 19/07, 36/07, 38/07, 2/08, 17/08, 23/08, 14/10), a u vezi sa članom 29. Zakona o visokom obrazovanju u Brčko distriktu BiH («Službeni glasnik Brčko distrikta BiH» broj: 30/09) članom 187. Zakona o upravnom postupku Brčko distrikta BiH („Službeni glasnik Brčko distrikta BiH” broj: 3/00, 5/00, 9/02, 08/03, 8/04, 25/05, 8/07, 10/07, 19/07, 2/08, 36/09)), Standarda i normativa za obavljanje djelatnosti visokog obrazovanja na području Brčko distrikta BiH, članom 25. Pravilnika o postupku za ocjenu uslova za osnivanje i početak rada visokoškolskih ustanova broj: 02-000442/11 od 05.09.20011. godine, Odluke Skupštine Brčko distrikta BiH o usvajanju Elaborata o opravdanosti osnivanja „Visoke škole računarstva i poslovnih komunikacija” u Brčko distriktu BiH broj 01-02-436/11 od 30.06.2011. godine, Odluke Skupštine Brčko distrikta BiH o opravdanosti osnivanja „Visoke škole računarstva i poslovnih komunikacija” u Brčko distriktu BiH broj: 01-02-437/11 od 30.06.2011. godine, konačnog izvještaja Komisije za ocjenu uslova za ocjenjivanje i početak rada „Visoke škole računarstva i poslovnih komunikacija” u Brčko distriktu BiH od 07.12.2011. godine, i zahtjeva „Visoke škole računarstva i poslovnih komunikacija” u Brčko distriktu BiH, šef Odjeljenja za obrazovanje donosi

RJEŠENJE

o ispunjenosti uslova za osnivanje i početak rada visokoškolske ustanove

Odobrava se osnivanje i početak rada visokoškolske ustanove „Visoke škole računarstva i poslovnih komunikacija” sa sjedištem u Brčkom, u ul. Bosne Srebrene i upis iste u Registar visokoškolskih ustanova, i to sa dva studijska programa: Poslovna informatika i Inženjerska Informatika.

Obrazloženje

„Visoka škola računarstva i poslovnih komunikacija” u Brčko distriktu BiH podnijela je Odjeljenju za obrazovanje zahtjev za donošenjem rješenja za osnivanjem i početak rada ove visokoškolske ustanove i obavljanjem djelatnosti visokog obrazovanja i izdavanjem dozvole za rad i upis u Registar visokoškolskih ustanova.

Odlukom šefa Odjeljenja za obrazovanje imenovana je Komisija za ocjenu uslova za ocjenjivanje i početak rada „Visoke škole računarstva i poslovnih komunikacija” u Brčko distriktu BiH.

Komisija je održala sastanke 10.11.2011 i 17.11.2011. godine.

Komisija je konstatovala da je osnivač dostavio sljedeću dokumentaciju:

- * Elaborat o opravdanosti osnivanja
- * Stručno mišljenje Komisije stručnjaka
- * Odluka o formiranju Komisije matičara
- * Zapisnike o radu Komisije matičara sa svih održanih sjednica

- * Izvještaj Komisije matičara o ispunjenosti uslova potrebnih za početak rada i daljni rad visokoškolske ustanove, s obrazloženim kalendarom aktivnosti za donošenje osnivačkog akta, rokom za provjeru uslova za početak rada i daljni rad s datumom početka rada visokoškolske ustanove
- * Dokumenti koje je usvojila Komisija matičara
 - Pravila studiranja
 - Nastavni plan i program za svaki studijski program
 - Prijedlog Statuta
 - Sve odluke o izboru u nastavna zvanja uz priloženi tekst konkursa i dokaz o objavljivanju prema članu 129. stav.3. Zakona, te izvještaj o konkursu za izbor u nastavna zvanja
 - Odluku o izboru Upravnog odbora uz priloženi tekst konkurs kao dokaz o objavljivanju
 - Prijedlog broja studenta za upis u prvu studijsku godinu za svaki studijski program
- * Odluku osnivača o pozitivnoj ocjeni izvještaja komisije matičara
- * Akt o osnivanju visokoškolske ustanove izrađen u skladu sa članom 28.stav 2 Zakona
- * Listu nastavnog i administrativnog osoblja, s popisom predmeta za koje će izvoditi nastavu, odnosno poslova koje će obavljati uz naznaku radno-pravnog statusa za svakog člana osoblja, uz priloženu biografiju svakog od članova osoblja
- * Dokaz o obezbjeđenju poslovnog prostora
- * Odluku osnivača o visini školarine za svaki studijski program koji namjerava pokrenuti
- * Pismo namjere za bankovnu garanciju (minimalno u iznosu ukupne školarine za prvu godinu za sve studijske programe i predviđeni broj upisanih studenata).
- * Dokaz o ispunjenosti bibliotečkih resursa
- * Dokaz o osiguranju sredstava za početak rada visokoškolske ustanove
- * Dokaz o uplati naknade za vođenje postupka
- * Druge dokaze o ispunjenosti Standarda i normativa za obavljanje djelatnosti visokog obrazovanja na području Brčko Distrikta Bosne i Hercegovine

Nakon pregleda navedene dokumentacije Komisija je konstatovala sljedeće:

- * Nedostaje objava natječaja/konkursa za izbor nastavnika u trećem dnevnom listu (član 129. stav 3. Zakona o visokom obrazovanju Brčko Distrikta BiH), a iz dostavljenih skeniranih kopija nije jasno vidljivo u kojim su dnevnim novinama objavljeni natječaji/konkursi..
- * Pismo namjere za bankovno jamstvo/garanciju nije u potpunosti usaglašeno s članom 4. Pravilnika za ocjenu uslova za ocjenjivanje i početak rada Visoke škole (nije bio preciziran iznos sredstava bankovne garancije)

Komisija je dostavila Visokoj škole računarstva i poslovnih komunikacija svoje sugestije te zatražila da izvrši dopunu dokumentacije, što je od strane škole i učinjeno.

17.11.2011.godine Komisija je izvršila obilazak škole eMPIRICA čije se prostorije nalaze u Ulici Bosne Srebrene u Brčkom. Posjeta je obavljena u prisustvu osnivača i nastavnog osoblja. Prilikom posjete Komisija je obavila odvojene razgovore s onivačem, s nastavnim i admisnitrativnim osobljem. Tom prilikom je sugerisano osnivaču da u svojoj pokrivenosti nastave izvrši usklađivanje u dijelu III – Standardi i normativi, A.Kadrovski standardi i normativi i u što kraćem roku dostavi na uvid Komisiji.

OCJENA ISPUNJENOSTI OPĆIH UVJETA VISOKE ŠKOLE U OSNIVANJU

U skladu zakonskim normama i propisima Brčko distrikta BiH i Bosne i Hercegovine, a cijeneći činjenicu da se standardi i normativi za visokoškolske ustanove u osnivanju primjenjuju u potpunosti prilikom registracije:

- * U skladu sa Pravilnikom o postupku za ocjenu uslova za osnivanje i početak rada visokoškolskih ustanova u Brčko distriktu BiH (član 4) može se konstatovati da je podnesena sva potrebna dokumentacija iz ovog člana.
- * Usaglašenost sa Standardima i normativima za obavljanje djelatnosti visokog obrazovanja na području Brčko distrikta BiH:
 - Visoka škola eMPIRICA planira izvoditi nastavu na dva studijska programa: Poslovna informatika i Inženjerska informatika, čime je ispunjen uvjet iz Standarda i normativa za obavljanje djelatnosti visokog obrazovanja na području Brčko distrikta BiH, Poglavlje II.
 - * Visoka škola eMPIRICA ispunjava opće i posebne uvjete sukladno Standardima i normativima, ima nastavnike za nastavne predmete koji pokrivaju najmanje jednu polovinu od ukupnog broja ECTS bodova za semestre i cikluse u radnom odnosu sa punim radnim vremenom. (3 nastavnika u punom radnom vremenu, a 5 prema Ugovoru);

* Visoka škola eMPIRICA ima asistente za nastavne predmete koji pokrivaju najmanje jednu polovinu od ukupnog broja ECTS bodova za semestre i cikluse u radnom odnosu sa punim radnim vremenom. (2 asistenta u radnom odnosu a 2 asistenta sa Ugovorom);

* eMPIRICA ima nastavne planove i programe donesene u skladu sa Zakonom,

* eMPIRICA ima osigurana novčana sredstva za rad visoke škole, organizovanje i izvođenje naučnih studija i provođenje nastavnih programa u cjelosti.

* Kako se eMPIRICA opredijelila za upis po 40 studenata na oba usmjerenja, onda se prema Standardima i normativima tako definišu nastavne linije i broj grupa. (strana 4 i 5 –tabela 1 i 2).

* U cilju osiguravanja minimalnih uvjeta za obavljanje djelatnosti visokog obrazovanja, zdravstveno-higijenskih, sanitarnih i sl., utvrđuje se optimalna površina ukupnog prostora po jednom studentu (za usmjerenje Poslovna informatika 6m² po jednom studentu, a za usmjerenje Inženjerska informatika 12 m²). U tom smislu eMPIRICA je osigurala 336 m² prostora, i uz plan odvijanja nastave u dvije smjene, zadovoljen je i ovaj kriterij.

* Kriterij koji se odnosi na osiguranje toaleta je također ispunjen, jer u svakoj prostoriji eMPIRICA se nalazi po jedna kabina. (minimalna broj kabina – na svakih 60 studenata ide po jedna kabina u jednoj smjeni).

* Minimalni uvjeti u pogledu osiguranja uvjeta za studij i rad invalidnih osoba podrazumijevaju obvezu da se osigura samostalan ulazak u prostorije visoke škole, u skladu sa **Standardima i normativima za obavljanje djelatnosti visokog obrazovanja na području Brčko distrikta BiH (poglavlje III, odjeljak C, strana 6)**. Prilikom obilaska prostora škole ovo nije uočeno, ali kako se osnivač izjasnio da neće kretati sa nastavom ove godine, osnivaču treba sugerisati da napravi ulaz za samostalan ulazak invalidnih osoba.

* U skladu sa normativima i standardima visoka škola mora osigurati 10.000 knjižnih jedinica. Prema Izjavi o bibliotečkim resursima eMPIRICA se obavezala pod punom materijalnom i krivičnom odgovornošću da će odmah nakon upisivanja Visoke škole računarstva i poslovnih komunikacija eMPIRICA u Registar visokoškolskih ustanova sklopiti Ugovor sa ustanovom Biblioteka - Knjižnica Distrikt Brčko i ugovore o korištenju renomiranih baza i elektronskih biblioteka.

* Prema IV dijelu Standarda i normativa (strana 6) može se konstatovati da visoka škola eMPIRICA ispunjava kriterij koji se odnosi na broj i strukturu nastavnog kadra, utvrđenu u skladu sa nastavnim planom i programom, kao i optimalnom prosječnom opterećenju u pogledu broja sati predavanja.

* Broj knjižničara/bibliotekara i radnika studentske službe određen je u skladu sa Standardima i normativima (po jedno radno mjesto - dostavljena dokumentacija na uvid).

Na osnovu svega gore navedenog Komisija preporučuje Odjelu za obrazovanje izdavanje rješenja o ispunjavanju uslova za osnivanje i početak rada visokoškolskoj ustanovi eMPIRICA.

Na osnovu gore navedenog odlučeno je kao u dispozitivu rješenja.

Pouka o pravnom lijeku: Protiv ovog rješenja može se izjaviti žalba Apelacionoj komisiji Brčko distrikta BiH u roku od 15 dana od dana dostavljanja, a podnosi se putem Odjeljenja za obrazovanje.

DOSTAVITI:

1. Odjeljenju za obrazovanje 2x
2. Visokoj školi računarstva i poslovnih komunikacija 2x
3. Dosije
4. Arhivi



ŠEF ODJELJENJA:

Esed Kadrić
Esed Kadrić, dipl.politolog